

# NGUVA YA XIBALO YA 2018 EKA VANHU HI VOXE

## Nguva ya Xibalo ya 2018

Nguva ya Xibalo ya 2018 eka vanhu hi voxé yi pfula hi ti1 Mawuwani 2018 eka eFilers naswona marhavi ya hina ya ta pfula ku ku pfuna ku sukela hi ti2 Mawuwani 2018.

## Xana hi wahi masiku yo pfala?

Siku ro pfala ra vahakelaxibalo lava nga ri ki va nkarhinyana ri ttheriseriwe endzhaku ku pfumelela nkarhi wo tala wo hetisisa tioditi loko lembe ri nga si hela:

Chanele	Muxaka wa Muhakelaxibalo	
Hi voko – poso kumbe erhavini ra SARS	21 Ndzhati 2018	Loyi a nga ri ki wa nkarhinyana nkarhinyana
eFiling kumbe ku fayila hi ndlela ya xitironiki erhavini ra SARS	31 Nhlangua 2018	Loyi a nga ri ki wa nkarhinyana
eFiling	31 Sunguti 2019	Wa Nkarhinyana

Ku kopa masiku ya nkoka ya Nguva ya Xibalo ya 2018 ku ya eka khalendara ya wena hi ku kongoma, [tliika laha](#).

## Switsundzuxo swo fayila ntlheriso wa wena wa xibalo

### U nga fayili loko u nga fanelangi

A wu fanelangi ku rhumela ntlheriso loko ku ve swiyimo leswi **HINKWASWO** swa humelela eka wena:

- Mali ya wena hinkwayo leyi ngenaka ya ntholo / muholo wa lembe (Nyenyanaku 2017 ku fikela Nyenyenyani 2018) ku nga si susiwa xibalo (giroso ya mali leyi ngenaka) a yi nga hundzi R350 000; na
- U kuma ntsena mali leyi ngenaka ya ntholo / muholo eka lembe ro helela ra nhlelelo (Nyenyanaku 2017 ku fikela Nyenyenyani 2018) wu kumiwile ku suka eka muthori un'we; na
- A wu na xengetelo wa movha/movha wa khamphani/xengetelo wa swa marendzo kumbe mali yin'wana leyi ngenaka (xik. ntswalo kumbe mali leyi ngenaka ya rhente)
- A wu lavi ku koxa misuso leyi yelanaka na xibalo/mivuyiselo ya xibalo (xik. tihakelo ta swa vutshunguri, tihakelo ta rhithayamente anyuwithi ku nga ri tihakelo ta phenxeni leti endlweke hi muthori wa wena, marendzo).

[Loko u nga tiyisisekangi hi loko u fanele ku fayila ntlheriso wa xibalo, tliika laha.](#)

**Xitsundzuxo xa Nkoka:** Loko u ri na Nomboro ya Vutitvisi na Nomboro ya Xibalo u nga tlhela u bela Contact Centre ya SARS riqingho eka 0800 00 7277; tshikelela 3 (eka swivutiso leswi yelanaka na xibalo) naswona kwalaho hlawula 1 ku kuma loko ku ve u fanele ku rhumela Ntlheriso wa Xibalo xa Mali leyi Ngenaka (ITR12) eka Nguva leyi ya Xibalo.

### Ku kuma vuxokoxoko byo nghena hi byona bya eFiling no lulamisa rito ra wena ra xihundla (phasiwedi)

Tindlela timbirhi to endla leswi:

1. Famba eka [eFiling ya SARS](#) tliika batheni ya rihlaza yo NGHENA HI YONA no landzelela rito. Xana u rivarile vito ra wena ro nghena hi rona na rito ra xihundla (phasiwedi)? Ku sungula hetisa phurosese ya I forgot my login name>yimela xitiviso xa SMS kumbe imeyili lexi nga ta va xi ri na vito ra wena ro nghena hi rona> tihisa vito leri ro nghena hi rona ku hetisa phurosese ya I forgot my password
2. Bela Contact Centre ya SARS riqingho eka 0800 00 hi nkarhi wa ntirho. Tiyisisa leswaku u na ID na nomboro ya rheberense ya xibalo evokweni. Tshikelela nhlawulo wa menyu wa vukorhokeri (service menu option) wa 0 no landzelela rito. Rito ra wena lerintshwa ra xihundla (phasiwedi) ri ta rhumeriwa eka wena hi imeyili kumbe SMS.

## Titsariseli eFiling

U fanele ku va u ri muhakelaxibalo loyi a tsarisiweke loyi a nga na nomboro ya rheferense ya xibalo ku titsarisela eFiling.

Famba eka [eFiling ya SARS](#)> tlilika Register > no landzelela 7 wa magoza yo olova.

Tsundzuka, SARS yi ta lava 48 wa tiawara ku tiyisisa no pasisa ntsariso wa wena u nga si eFile.

Loko u lava ku rhumela tidokhumete ta ntsariso wa wena, u na 21 wa masiku ku endla tano.

## Xana u lava ku pfuniwa ku eFile??

Hi [Help-You-eFile](#), mpfuno wu le ka ku tlilika kumbe riqingho. Tlilika xivumbeko xa [Help-You-eFile](#), amukela milawu na swiyimo no hlawula Call Me. Ejente ya SARS yi ta ku bela riqingho no ku pfuna eka goza rin'wana na rin'wana loko u ri karhi u endla eFiling. (Vukorhokeri lebyi byi tirha hi nakrhi wa ntirho ntsena.)

## Xana u lava Nomboro ya wena ya Rheferense ya Xibalo?

- Yi kumi eka eFiling loko u ri eFiler loyi a tsarisiweke. Hi ku olova nghena no langutisa nomboro ya wena eka Income Tax work page
- Yi kombeli hi nomo ku suka eka Contact Centre ya SARS. Va na na nomboro ya ID evokweni tanihileswi hi nga ta tiyisisa leswaku leswaku hi wena xana
- Yi kombeli eka muthori wa wena
- Endzela rhavi ra SARS ra le kusuhi na wena. U komberiswa ku famba na ID ya wena.
- Yi kumi eka Xitiviso xa Ntsariso lexi u xi kumeke eka SARS

**Xitsundzuxo xa Nkoka:** SARS yi nge nyiki munhu un'wana nomboro ya wena ya xibalo, handlekaloko munhu wa kona a ri mutokoti wa wena wa swa xibalo kumbe loyi a nga na matimba ya vuyimeri ku fambisa timhaka ta wena ta xibalo.

## Xana i mani Muhakelaxibalo wa Nkarhinyana?

Munhu un'wana na un'wana loyi a kumaka mali leyi ngenaka (kumbe loyi a hlengeletaka mali leyi ngenaka) leyi nga ri ki ya muholo, i muhakelaxibalo wa nkarhinyana. Vanhu vo tala lava kumaka muholo i vahakelaxibalo lava nga ri ki va nkarhinyana, loko ku ve a va na swihlovo swin'wana swa mali leyi ngenaka handle ka muholo wa vona. Swi na nkoka swinene ku tsundzuka leswaku ku kuma mali leyi ngenaka leyi nga khumbhekiki eka ku hakela xibalo, hi ndlela leyi landzelaka, a swi ku endli muhakelaxibalo wa nkarhinyana:

- Loko u kuma ntswalo lowu nga hansi ka R23 800 loko u ri na malembe ya le hansi ka 65; kumbe
- Loko u kuma ntswalo lowu nga hansi ka R34 500 loko u ri na malembe ya 65 na ku tlula; kumbe
- Loko u ri na mali leyi ngenaka eka akhawunti ya vuhlayiselo leyi nga hakerisiwiki xibalo

## Tidokhumente to Seketela

Loko u ri karhi u tata ntleriso wa wena, va na tidokhumente ta wena to seketela evokweni. U nga lava ku langutisa eka tin'wana ta tidokhumente to seketela, [hlaya swo tala](#).

## Xana u lava ku pfuniwa?

- Bela Contact Centre ya SARS riqingho eka 0800 00 7277
  - U nga yimeli layeni ya contact – Tirhisa **nhlawulo wa Call-back** naswona ejente ya SARS yi ta ku bela riqingho endzhaku. Nhlawulo wa Call-Back wu ta nyikiwa eka wena loko ku ve u ve elayenini nkarhi wo karhi. U ta vutisiwa vuxokoxoko byo karhi bya wena hi wexe, ku katsa na nomboro leyi u faneleke ku beriwa riqingho eka yona. Loko Call-Back yi nyikiwile hi ndlela leyi humeleleke, nomboro ya layeni yi ta hlayisiwa naswona u nga veka riqingho ehansi no yimela ejente ya SARS leyi nga na xinghana leswaku yi ku bela riqingho. Eka Nguva ya Xibalo 2018, xitirho xa Call-Back xa kumeke

enkarhini wa ntirho wa Contact Centre ya SARS, Musumbhunuko ku fikela Ravuntlhanu exikarhi ka 8:00 na 18:00.

- Pfumelela ejente ya Contact Centre ya SARS leyi nga na xinghana yi ku letela loko u ri karhi u eFile hi ku tirhisa [Help-You-eFile](#).
  
- Endzela [rhavi ra SARS](#) ra le kusuhi na wena.
- U nga tlhela u ya eka [mindzetelo-vutivi ya hina ya xibalo](#) kumbe u endzela [SARS mobile unit ya SARS](#) ya le kusuhi na wena.
- Loko u [rivarile nomboro ya wena ya xihundla \(phasiwedi\)](#) u nga yi lulamisa hi ku bela Contact Centre ya SARS riqingho no landzelela endlelo ro olova. [Vona phuroseso ya hina yo tipfuna hi wexe](#).

Ku kuma nkomiso wa mifikelelo ya Nguva ya Xibalo ya 2018, u nga langutisa eka tidokhumente leti nga laha:

- [Pocket Guide: Your No Sweat guide to Tax Season 2018](#)
- [Pocket Guide: eFiling for Individuals](#)
- [Service Charter](#)
- [Tax Rates](#)